



Njuolggadusat Doaibmadoarjja - ohcanvuđot doarjja 2019

Duoji ealáhusšiehtadus

Sámegillii



SÁMEDIGGI
SAMETINGET

Ávjovárgeaidnu 50
9730 Karasjok/Karášjohka
Telefon +47 78 47 40 00
samediggi@samediggi.no
www.samediggi.no

Sisdoallu

Innhold

1.1 Doarjjaortnega mihttomearri ja vuoruheamit	3
1.1.1 Doarjjaortnega mihttomearri	3
1.1.2 Vuoruheamit	3
1.1.3 Ulbmilolahusa eavttut	4
1.2 Ohcama hábmi ja sisdoallu	4
1.2.1 Doarjjaoažžu/Gii sáhtta ohcat	4
1.2.2 Ohcanáigemearri	4
1.2.3 Gáibádusat ohcamii	4
1.2.4 Eavttut ohccái	4
1.3 Meroštallannjuolggadusat	5
1.3.1 Meroštallannjuolggadusat	5
1.4 Ohcamiid meannudeapmi	5
1.4.1 Ohcamiid meannudeapmi	5
1.4.2 Máksineavttut	5
1.4.3 Eavttut doarjjaoažžui	5
1.5 Raporteren	5
1.5.1 Ulbmilolahusa raporteren	5
1.5.2 Raportereavttut	5
1.5.3 Bearráigeahččan ja čuovvuleapmi	6
1.5.4 Doarjaga ruovttoluotta máksin ja sihkkun	6

1.1 Doarjjaortnega mihttomearri ja vuoruheamit

1.1.1 Doarjjaortnega mihttomearri

- ležas duddjon duoji buoret gávpejohtu.

1.1.2 Vuoruheamit

- Duojarat geat leat dohkkehuvvon duodjeregistaris ja gain gávpejohtu lea badjel 50 000 ru (brutto).
- Dohkkehuvvon duojarat gain lea autoriserejuvvon rehketoalli.

1.1.3 Ulbmilolahusa eavttut

- Duojáruiin buoret gánnáhahttivuohta ja gávpejohtu.

1.2 Ohcama hábmi ja sisdoallu

1.2.1 Doarjjaoažžu/Gii sáhtta ohcat

- Ovttaolbmofitnodagat ja oasussearvvit main lea duodjedoaimma ja leat registrerejuvvon duodjeregistaris ja main gávpejohtu lea unnimusat badjel 50 000 ru, earret momsá.
- Fitnodagat, ásahusat ja organisašuvnnat mat ožžot doarjaga, galget leat registrerejuvvon Norgga Ovttatregistarii.

1.2.2 Ohcanáigemearri

- 25.10.19

Ohcamat mat bohtet dán dáhttona maŋŋá eai meannuduvvo.

1.2.3 Gáibádusat ohcamii

- Sámedikki digitála ohcanskovvi galgá geavahuvvot. Ohcamat mat eai ollašuite ohcaneavttuid, hilgojuvvojit.
- Sus guhte vuolláičállá doarjjaeavttuid, ferte leat fápmudus geatnegahttit fitnodaga/ásahusa jna.

Čuovvovaš dieđut galget biddjojuvvoht ohcama mielde:

- Kontospesifiserejuvvon rehketdoalu (standárda kontoplána duoji várás), galgá autoriserejuvvon rehketdoalli duođaštit.
- Duođaštuvvon gávpejođu dohkkehuvvon iežas dujiin, galgá autoriserejuvvon rehketdoalli duođaštit.
- Listu gálvvuin maid lea vuovdán ja man lágan buktagat, man ollu ja loahppasubmi.
- Ovddit jagi ealáhuskovvi
- Ovddit jagi vearroduođaštus (livnnet)
- Gávpejođu doaimmat ja duođaštusat das ahte momsadivat lea máksojuvvon (báŋkoguittet/guittet).

1.2.4 Eavttut ohccái

- Ohcci doaimma galgá dávistit gustovaš lágaide ja njuolggadusaide, dát guoská maiddái vearro-, divat- ja rehketdoalloláhkaaddimii.
- Doaimmabidju masa doarjja ohccojuvvo ii sáhte leat čađahuvvon dahje álggahuvvon ovdalgo Sámediggi lea ožžon ohcama. Erenoamáš ákkaid vuodul sáhtta dás spiehkastit.
- Ohcci galgá dieđihit leago ožžon eará almmolaš doarjaga.

1.3 Meroštallannjuolggadusat

1.3.1 Meroštallannjuolggadusat

- Vuolimus doarjja 20 000 ru. Sámediggi sáhtá addit doarjaga gitta 40 % rádjai dohkkehuvvon iežas dujiin. Stuorámus doarjja lea 150 000 ru. Jos ohcansubmi lea stuorát go várrejuvvon rámma ulbmilii, de unniduvvo stuorámus proseantamáksomearri gorálaččat buohkaide.
- Ovddit jagi gávpejohtu lea vuođđun doarjaga meroštallamii.
- Mátkemuittut eai sáhte leat vuođđun doaibmadoarjaga meroštallamii.
- Vuovdin lagaš fulkkiid ja náittosbeliid gaskka maid ii sáhte leat vuođđun doaibmadoarjaga meroštallamii.
- Doaimmat dahje fitnodagat mat ožžot doarjaga eará poasttain Sámedikki bušehtas eai leat doarjjavuogadattojuvvon dán ortnegis. Dát guoská maiddái oasusserviid eaiggádiidda ja oasusserviid bargiide. Dát maid eai sáhte ohcat doaibmadoarjaga eará organisašuvdnahámiiguin dán poasttas.

1.4 Ohcamiid meannudeapmi

1.4.1 Ohcamiid meannudeapmi

- Sámediggi sáhtá viežžat krediittadieđuid ohcci birra.
- Ohcamat mat eai deavdde ohcaneavttuid hilgojuvvojit.
- Ohcamat meannuduvvojit dađistaga ja golmma mánu sisa dan rájes go ohcan lea joavdan.
- Sámediggi sáhtá jearrat eanet duođaštusa dahje gohččut čielggadanságastallamii.
- Sámediggi váldá várašumi das ahte prošeavtta ohcansubmi ja viidodat sáhtá muddejuvvot oassin doarjjaruđaid ollislaš rámma árvvoštallamis.

1.4.2 Máksineavttut

- Doarjja máksojuvvo ollásit dalle go mearrádus lea dahkkojuvvon.

1.4.3 Eavttut doarjjaoažžui

- Doarjjaoažžus galgá leat dásseárvo- ja mánggabealatvuođa perspektiiva doaimmastis, bálvalusainis ja buktagiinnis.

1.5 Raporteren

1.5.1 Ulbmilolahusa raporteren

Doarjjaohcamis sádde ohcci dieđuid mat geavahuvvojit vuođđun ekonomalaš raporttas, ja čájehit duodjefitnodagaid ahtanuššama. Geahča čuoggá 1.2.3 gáibádusat ohccái.

1.5.2 Raportereneavttut

Ohccit mat ožžot doarjaga geatnegahttojuvvojit addit dárbbášlaš dieđuid ekonomalaš rapporta ráhkadeami oktavuodas.

1.5.3 Bearráigeahččan ja čuovvuleapmi

- Ohccit mat ožžot doarjaga geatnegahttojuvvojit addit dárbbášlaš dieđuid ekonomalaš raportta ráhkadeami oktavuodas.
- Sámediggi sáhtá dárkkistit geavahuvvojit go ruđat eavttuid mielde, gč. juolludusnjuolggadusaid § 10 nuppi lađđasa ja riikarevišuvdnalága § 12 goalmát lađđasa.

Sámediggi sáhtá bivdit eanet dieđuid maid ohcci lea geatnegas buktit. Dát guoská dieđuide mat galget geavahuvvot statistihkkii ja eará raporteremii.

1.5.4 Doarjaga ruovttoluotta máksin ja sihkkun

- Sámediggi gáibida ruovttoluotta menddo ollu máksojuvvon doarjaga.
- Sámediggi sáhtá geassit doarjjalohpádusa ruovttoluotta, doalahit doarjaga mávssekeahtá dahje gáibidit ahte doarjja máksojuvvo ruovttoluotta jos:
 - Doarjjaoažžu lea rihkkon dieđihangeaskku.
 - Doarjja ii geavahuvvo daid eavttuid mielde mat leat mearriduvvon doarjjareivves.
 - Lea gáibiduvvon heaittiheapmi, ovddiduvvon reastaluvvangohčus, priváhta dahje almmolaš vealgešiehtadallamat leat rahppojuvvon doarjjaoažžu ektui dahje doarjjaoažžu heaitá máksimis máksámušaidis.
 - Doarjjaoažžu lea rihkkon dáid njuolggadusaid mearrádusaid.
- Jos doarjjaoažžu dákkár oktavuodain ii mávsse ruovttoluotta, de sáhtá Sámediggi rievtti bokte gáibidit máksojuvvot dan mii lea buorrin. Jos ruđat eai máksojuvvo ruovttoluotta dan áigemeari sisa mii lea biddjojuvvon, de sáhtá gáibidit maŋŋoneami ovddas reanttuid vel lassin, gč. juovlamánu 17. b. 1976 mannosáš lága nr. 100 reanttuid birra maŋŋonan máksima oktavuodas jna.